

## **South Sotho - Dipallo Mangolo - Promises Scriptures**

**Genese 20:6 Modimo wa re ho yena torong: Le nna ke a tseba hobane o entse hoo ka pelo e hlwekileng, mme ke bile ke o thibetse hore o tle o se ke wa ntshitelwa; ke ka baka leo ke sa kang ka o lesa le hore o mo ame.**

**Eksoda 35:21,26 Motho ka mong ya eleditsweng ke pelo ya hae le bohole ba pelo di ithatetseng, ba fihla ba tlisetsa Jehova dikabelo ho sebetsa tente ya pokano, le tsohle tsa tshebeletso ya yona, le diaparo tse kgethehileng. 26 Basadi bohole ba eleditsweng ke pelo tsa bona, ba masene, ba loha boyaa ba podi.**

**Numere 10:35 Ha areka e ne e tloha, Moshe o ne a re: Raoha, Jehova; dira tsa hao a di ke di qhalwe! mme ba o hloileng, a ba ke ba balehe pela sefahleho sa hao!**

**Deuteronomia 2:25 Kajeno, ke tla qala ho tshollela ditjhaba tse katlasa lehodimo lohle tshoho le tshabo ya hao; etlere ha di utlwa botumo ba hao, di thothomele, mme di tsielehe pela hao.**

**Deuteronomia 9:3 Tseba kajeno hobane Jehova, Modimo wa hao, o ya o etella pele, a le jwaloka mollo o timeletsang; o tla ba fedisa, a ba kokobetse pela hao; mme o tla ba falatsa, o ba fedise kapele, jwalokaha Jehova a o boleletse.**

**Joshua 2:9 a re ho banna bao: Ke a tseba hobane Jehova o le neile lefatshe, mme letsoso la Iona le re wetse hodimo, mme bohole ba ahileng lefatsheng Iena, ba tepeletse pela Iona.**

**1 Samuele 17:48,50 Ebile ke moo Mofilesta a tlohang, a tla a atamela ho kgah-lanyetsa Davida; Davida yena a phakisa a titimela ntweng, ho ya kgahlan-yetsa Mofilesta. 50 Davida a hlola Mofilesta jwalo ka letjeketjane le ka lejwe, a bolaya Mofilesta, a mo timetsa, ho se sabole letsohong la Davida.**

**Esthere 8:17 Naheng e nngwe le e nngwe, le motseng o mong le o mong, nqalong tsohle tseo polelo ya morena le taelo ya hae di fihlileng ho tsona, Bajuda ba dula thabong le nyakallong, ba etsa diboka le letsatsi la mokete; esita le ba bangata hara ditjhaba tsa lefatshe ba iketsa Bajuda, ka hobane letsoso la Bajuda le ne le ba wetse hodimo.**

**Jobo 29:14 ke ne ke ikapesa ka ho loka, mme ho ne ho nk wahela; toka e ne e le kobo ya ka le moqhaka wa ka;**

**Diproverbia 13:11 Maruo a batlilweng ka mano a tla nne a qephe; empa ya a bokellang ka ho sebetsa, o tla atelwa ke wona.**

**Diproverbia 13:22 Motho e motle o siela ditloholo tsa hae lefa; empa maruo a moetsadibe a tla fuwa motho ya lokileng.**

**Diproverbia 22:22,23 O se ke wa ja mofutsana ka hoba e le mofutsana, o se ke wa pitla mohlomohi kgotla; 23 hoba Jehova o emela nyewe tsa bona, mme ba ba jeleng o tla ba amoha bophelo.**

**Esaia 35:8 Mmila o tla ba teng le tsela e bitswang tsela ya kgalalelo; ha ho motho ya ditshila ya tlang ho feta teng, e tla ba ya ba lokileng feela; ya tsamayang tseleng eo leha e le sethoto, a ke ke a lahleha.**

**Esaia 43:2 Ha o tshela hara metsi, ke tla ba le wena; ha o tshela dinoka, di ke ke tsa o nka: leha o feta hara mollo, o ke ke wa tjha, le malakabe a ke ke a o tlabola.**

**Esaia 49:25 E, ho bolela Jehova, makgotla a holehilweng ke monna ya matla o tla amohuwa wona, kgapo ya mohale e tla pshemoha, hobane nna ke tla Iwantsha ba o Iwantshang, ke lokolle bara ba hao.**

**Esaia 54:17 Lerumo le leng le le leng le teetsweng ho o Iwantsha, le ke ke la etsa letho; leleme le leng le le leng le tlang ho o tsohela matla ho o tsekisa, o tla le tswa. Ke lona lefa la bahlanka ba Jehova, le ho loka ha bona ho tswang ho nna, ho bolela Jehova.**

**Esaia 59:17,19 O apere dihlomo tsa hae; ho loka ke tshireletso ya sefuba sa hae; hloohong o rwetse heleme ya poloko; phetetso yona ke seaparo sa hae; poulelo yona ke kobo eo a ipopileng ka yona. 19 Ke moo ba tlang ho tshaba lebitso la Jehova bophirimela, le kganya ya hae botjhabela; etlare ha dira di etla jwaloka noka, moyo wa Jehova o tla di qhalanya.**

**Esaia 61:10 Ke tla ithabela ho Jehova, moyo wa ka o nyakalle ho Modimo wa ka, hobane o nkapesitse ka diaparo tsa poloko, o nkwhahetse ka kobo ya ho loka, jwaloka monyadi ya kgabisitsweng ka moqhaka, le jwaloka monyaduwa ya itlhophisang ka mekgabo ya hae.**

**Esekiele 22:30 Mme ke batlile hara bona hore na motho a ka ba teng ya ka lokisang dikgeo tsa lerako, ya ka emang sekgeong pela ka ho Iwanelaha, hore ke se ke ka e timetsa, ke mpa ke sa ka ka mo fumana.**

**Esekiele 45:8 E tla ba yona na ha ya hae, leruo la hae Israeleg; mme marena a setjhaba sa ka ha a sa tla tuba setjhaba sa ka, a mpa a tla nea ntlo ya Israele na ha, ka ho ya ka meloko ya yona.**

**Daniele 4:16 Pelo ya hae e se hlole e eba ya motho, a fuwe pelo ya phoofolo, mme ngwaha o fete hodima hae hasupa.**

**Daniele 7:4 Sa pele se ne se ka tau, se ena le mapheo a ntsu; ka tadima ho fihlela mapheo a sona a hlojwa, mme sa nkwa fatshe, sa emiswa ka maoto a sona jwaloka motho, sa newa pelo ya motho.**

**Sakaria 4:6 Yaba o mpolella, a re: Ke lentswe la Jehova ho Sorababele, le reng: Hase ka matla le ka borena, empa e le ka moyo wa ka, ho bolela Jehova wa makgotla!**

**Mattheu 24:22 Le hojane matsatsi ao a se ke a kgutshofatswa palo, ho ne ho ke ke ha phonyoha motho; empa ka baka la bakgethwa, matsatsi ao a tla kgutshofatswa. Mattheu 26:41 Fadimehang, le rapele, hore le se kene molekong; hobane moyo o mafolofolo, empa nama yona e a fokola.**

**Mareka 10:48-52 Ba bangata ba mo kgalemela, ba re, a kgutse; a mpa a aketsa a howa, a re: Mora Davida, nkutlwelie bohloko! 49 Jesu a ema, a re,**

**a bitswe. Yaba ba bitsa sefofu, ba re ho sona: Kgothahala, o eme, o a o bitsa. 50 Yaba se lahla kobo ya sona, sa ema, sa tla ho Jesu. 51 Jesu a bua, a re ho sona: O rata ha ke o etsetsang? Sefofu sa re ho yena: Rabboni, a nke ke boele ke bone. 52 Jesu a re ho sona: Eya, tumelo ya hao e o pholositse. Sa bona hang, sa ba sa latela Jesu tseleng.** (Mattheu 20:30-34)

**Mareka 16:20 Haele bona, ba tloha, ba ya bolela Evangeli kahohle, Morena a ntse a sebetsa le bona, a tiisa lenseswe ka mehlolo o le felehetsang.]**

**Luka 14:23 Morena a re ho mohlanka: Tswela ditseleng le pela metero, mme o kganne batho, ba kene, ntlo ya ka e be e tlale.**

**Luka 21:15,36 hobane nna, ke tla le nea molomo le bohlale boo ba ipeileng dira ho Iona ba tla sitwa ho bo fetola le ho bo hanyetsa. 36 Fadimehang ke hona, mme le rapele kamehla, le tle le newe tokelo ya ho phonyoha ho tseo tsohle tse tla etsahala, le ya ho ema pela Mora motho.**

**Johanne 17:15 Bajuda ba makala ke hona, ba re: Na eo o tseba Mangolo jwang, athe ha a ka a ithuta?**

**Diketso 11:23 Eitse ha a fihla, mme a bona mohau wa Modimo, a thaba, mme a ba kgothatsa kaofela ho tiisetsa ho Morena ka pelo e pheheletseng.**

**Diketso 13:48 Yare ha baditjhaba ba utlwa hoo, ba thaba, ba tlotlisa lenseswe la Morena; mme bohole ba neng ba kgethetswe bophelo bo sa feleng ba dumela.**

**1 BaKorinthe 10:13 Ha le eso ho ka le hlachelwa ke moleko o sa lekaneng motho; empa Modimo o a tshepeha, o ke ke wa dumela hore le hlachelwe ke moleko o ka le sitang; empa moleko ha o le teng, o tla le etsetsa le sebaka sa ho tswa ho wona, le tle le tsebe ho o jara.**

**1 BaKorinthe 16:9 Hobane teng ke buletswe monyako o moholo wa tshebetso e hlohonolofalang; hape ho le bahanyetsi ba bangata.**

**2 BaKorinthe 12:9 Empa Morena a re ho nna: Mohau wa ka o a o lekana; hobane matla a ka a iphetha mefokolong. Ka baka leo, moo ke ratang teng, ke ho ithorisetsa ho fokoleng ha ka, matla a Kreste a tle a nkapse.**

**BaEfese 6:11 Aparang dihlomo tsohle tsa Modimo, le tle le tsebe ho hlola dihloho tsohle tsa Diabolose.**

**BaHeberu 1:7,14 Athe haele ka mangelo, o itse: O etsa mangelo a wona meya e fokang, le bahlanka ba wona malakabe a mollo. 14 Na kaofela ha wona hase meya e sebeletsang, e rongwang ho sebeletsa ba tlang ho rua lefa la poloko na?** Jakobo 4:7 Ka baka leo, ipeeng katlase ho Modimo, le hanele Diabolose, mme o tla le balehela.

**1 Petrose 5:10 Empa Modimo wa mehauhelo yohle, o re bileditseng ka Jesu Kreste ho rua kganya ya wona e sa feleng, ha le se le utlwile bohloko ka ditshiuana, o tla le etsa ba phethehileng, o le tiise, o le fe matla, o le thee.**